

Aatsitassarsiortoqarnissaanut aammalu suliffissuarujussualiortoqarnissaanut siunissami periarfissaalersinnaasut tunngavigalugit nunatsinnut tikisillugit suliarortitassatut pisariaqartinneqarumaartussat pillugit ersarissaassutaasumik nalilersuinernullu atorneqarsinnaasumik Inatsisartut 2014-imi ukiakkut ataatsimiinneranni saqqummiunneqartussamik Naalakkersuisut nassuiaasiornissaannik aalajangiiffigisassatut siunnersuut. Nassuiaammi ilaatinneqassapput isumaginninnikkut, kulturikkut aammalu ulluinnarni inuunermi kingunerusinnaasutut naatsorsuutigineqartut. Naalakkersuisut qinnuigineqarput nassuiaat naggaserneqassasoq sulisussanik pisariaqartitsinerup ersarissarneqarneranik tassungalu atatillugu kalaallit piginnaasaannut, sulilernissaminnut piareersimassusaannut aammalu nuttarsinnaanermut piareersimassusaannut tunngassuteqartut ersarissitinneqarnerannik
(Inatsisartunut ilaasortat Knud Kristiansen aamma Gerhardt Petersen)

pillugu

Inuussutissarsiornermut Ataatsimiititaliap

ISUMALIUTISSIISSUTAA

Siunnersuutip aappassaaneernejarnerani saqqummiunneqartoq

Inuussutissarsiornermut Ataatsimiititaliap suliarinninnermini ukuninnga inuttaqarpoq:

Inatsisartunut ilaasortaq Knud Kristiansen	(A)	siulittaasoq
Inatsisartunut ilaasortaq Ruth Heilmann	(S)	siulittaasup tullia
Inatsisartunut ilaasortaq Andreas Uldum	(D)	
Inatsisartunut ilaasortaq Aqqaluaq B. Egede	(IA)	
Inatsisartunut ilaasortaq Lars P. Mathæussen	(S)	sinniisoq
Inatsisartunut ilaasortaq Saxtorph Didriksen	(S)	sinniisoq

UPA2014-imi siullermeerinninnerup kingorna siunnersuut ataatsimiititaliami suliarineqartussatut innersuunneqarpoq, ataatsimiititaliallu isumaliutigisani Inatsisartunut matumuuna saqqummiuppai.

1. Siunnersuutip imarisaa siunertaalu

Aatsitassarsiornermi suliniutini suliniutinilu angisuuni sulisussanik avataaneersunik siunissami pisariaqartitsinissap paasinarsitinneqarneranik misissuiffigeqqissaarneqarneranillu

imaqartumik nassuiaammik UKA 2014-imi saqqummiusseqqullugit Inatsisartut aalajangiiffigisassaattut siunnersuutikkut Naalakkersuisut peqquneqarput.

Aammattaq sulisussat avataaneersut amerlasuut tikinneranni isumaginninnikkut, kulturikkut aammalu ulluinnarni inuunermi kingunerusinnaasutut naatsorsuutigineqartut nassuiaammi allaaserineqassapput. Nassuiaat nunatsinni sulisussanik pisariaqartitsinerup nunatsinni sulisartut piginnaasaannut, sulilernissamat piareersimassusiannut nuttarsinnaanerannullu sanilliussisumik naggaserneqassaaq.

2. Siunnersuutip Inatsisartuni siullermeerneqarnera

Aalajangiiffigisassatut siunnersuut partiinit oqaaseqartartunillu nalinginnaasumik tapersorsorneqartoq ataatsimiititaliamit oqaatigineqassaaq. Siunnersuutip akuerineqarnissaa Naalakkersuisunit taperserineqarpoq.

3. Ataatsimiititaliap siunnersuummik suliarinninnera

Aalajangiiffigisassatut siunnersuummi siunertarinqartut ersarimmata aammalu siunnersuutip imarisaa siunnersuutip siullermeerneqarnerani partiinit paasinarsisinneqarlunilu oqaluserineqareermat oqaaseqartartut oqaaseqaataanni oqallinnermilu oqaatigineqartut saniatigut Inuussutissarsiornermut Ataatsimiititaliaq ilassutissaqanngilaq. Taamaattumik ataatsimiititaliap inassuteqaatini saqqummiutissavai.


4. Siunnersuutip aningaasaqarnikkut kingunerisassai

Inatsisartut Suleriaasianni § 33, imm. 1-imi allassimavoq aalajangiiffigisassatut siunnersuutip piviusunngortinneqarnerani aningaasaqarnikkut allaffissornikkullu kingunerisassat siunnersuummut tunngavilersuummi nassuiarneqassasut. Siunnersuutip aningaasaqarnikkut kingunerisassai naammaginartumik allaaserineqarsimasut ataatsimiititaliamit maluginiarneqarpoq.

5. Ataatsimiititaliap inassuteqaatai


Ataatsimiititaliap isumaqatigiittup siunnersuut akuerineqassasoq inassutigaa.

Taama oqaaseqarluni isumaliutissiisumilu oqaatigineqartutut paasinnilluni ataatsimiititaliap siunnersuut aappassaaniigassanngortippaa.




Knud Kristiansen

Siulittaasq




Ruth Heilmann

Siulittaasup tullia



Andreas Uldum



Aqqaluq B. Egede